



SAKSPAPIR

Saksnr	Utval	Type	Dato
18/2020	Kommunestyret	PS	21.04.2020

Sakshandsamar	Arkiv	ArkivsakID
Lin Tove Thomassen	FE-033	19/1345

INTERPELLASJON TIL KOMMUNESTYRET - STØTT OPPROPET "EVAKUER BORNA FRÅ MORIA"

Kommunestyret - Sak 18/2020

KOM - Behandling:

Interpellanten fekk ordet først for å presentere interpellasjonen.

Ordførar gav slikt svar:

Saka du løftar har stor merksemd, og kommunane vert invitert frå fleire hald til å stille seg bak oppropet. Særleg i den utfordrande situasjonen me står i med ein verdsomspennande pandemi er det viktig at dei landa som har ressursar hjelper dei områda som ikkje har desse ressursane.

Ordføraren vil støtte oppropet «Evakuer borna frå Moria».

Det vart så opna for debatt.

Det vart røysta over framlegget som låg i interpellasjonen:

Punkt 1 vart vedteke mot 6 røyster (H, FRP)

Punkt 2 vart samrøystes vedteke.

KOM - Tilråding/Vedtak:

1. Vaksdal kommunestyre støttar oppropet «Evakuer barna fra Moria»
2. Vaksdal kommunestyre krev at Noreg fortsatt skal vere ein pådrivar for menneskerettane, og i flyktningleirane i Europa 2020.

Frå Kjartan Haugsnes, SV- Sosialistisk Venstreparti, ligg det føre følgjande interpellasjon:

Interpellasjon til kommunestyret i Vaksdal

Støtte til oppropet «Evakuer borna frå Moria»

Flyktningleiren «Moria» på Lesbos i Hellas opplever i dag ei humanitær katastrofe. Leiren som iutgangspunktet var meint for 3000 menneske huser i dag om lag 20 000 menneske og det kjem til fleire kvar dag. Den største flyktningekrisa sidan andre verdenskrig skjer framfor augene våre.

Situasjonen i leiren i dag er katastrofal, ikkje minst for alle borna i leiren. Sjukdom, psykiske påkjenningar, overgrep, mangel på sanitære forhold, mangel på skulegang, mangel på mat. I Europa 2020. Etter «Korona – krisa» er tilhøva om mogleg vorten enno verre og vi kan lese om at so mange som 1300 menneske deler på ein vask med kaldt vatn, og det finnes ikkje såpe.

Vaksdal kommune har på lik line med alle andre kommunar i Noreg kompetanse og kapasitet til å ta mot flyktingar. Det er no på høg tid å svare ut naudropa frå Hellas! Moria må evakuerast!

Spørsmål til ordføraren.

Vil ordføraren støtte oppropet «Evakuer barna fra Moria»?

Forslag til vedtak.

1. Vaksdal kommunestyre støttar oppropet «Evakuer barna fra Moria»
2. Vaksdal kommunestyre krev at Noreg fortsatt skal vere ein pådrivar for menneskerettane, og i flyktningleirane i Europa 2020.